

Na osnovu člana 16. stav 4. Zakona o Vladi Zeničko-dobojskog kantona-Prečišćen tekst ("Službene novine Zeničko-dobojskog kantona", broj: 7/10 i 3/23), a u vezi sa članom 133. Poslovnika Skupštine Zeničko-dobojskog kantona – Četvrti prečišćeni tekst („Službene novine Zeničko-dobojskog kantona“, broj: 5/24) na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 62. sjednici, održanoj 20.12.2024. godine, d o n o s i

Z A K L J U Č A K

I.

Utvrđuje se Amandman VIII na Prijedlog Zakona o izmjenama i dopunama Zakona o visokom obrazovanju koji glasi:

AMANDMAN VIII

(1) U Prijedlogu Zakona o izmjenama i dopunama Zakona o visokom obrazovanju iza člana 17. koji postaje član 15. dodaje se novi član 16. koji glasi:

„Član 16. (Prijelazne i završne odredbe)

- (1) Rektor univerziteta ili direktoru visoke škole koji je na funkciju stupio u skladu sa zakonima i propisima koji su bili na snazi prije stupanja na snagu ovog Zakona ili za kojeg je izvršen ponovni izbor odnosno imenovanje, stupanjem na snagu ovog Zakona prestaje mandat.
- (2) Lice koje je razriješeno prije isteka mandata ne može ponovo obavljati istu funkciju odnosno ne može biti ponovo imenovano na istu funkciju.
- (3) Lice koje je na dan stupanja na snagu ovog Zakona vršilo funkciju rektora na koju je izabrano ne može nakon isteka ili prekida mandata na toj funkciji ponovo biti imenovan za rektora odnosno direktora visoke škole.

(2) Dosadašnji član 18. postaje član 17.

II

Zaključak sa obrazloženjem upućuje se u dalju skupštinsku procedure.

III

Zaključak stupa na snagu danom donošenja.

Broj: 02-_____/24
Datum, 20.12.2024. godine
Zenica

PREMIJER

Nezir Pivić

DOSTAVLJENO:

1x Ministarstvo za obrazovanje, nauku, kulturu i sport,
1x Stručna služba Skupštine,
1x a/a.

OBRAZLOŽENJE

I PRAVNI OSNOV:

Pravni osnov za donošenje ovog zaključka je član 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10 – Prečišćeni tekst i 3/23), a u vezi sa članom 133. Poslovnika Skupštine Zeničko-dobojskog kantona – Četvrti prečišćeni tekst („Službene novine Zeničko-dobojskog kantona“, broj: 5/24).

II RAZLOZI ZA DONOŠENJE:

Zbog činjenice da je predmetnim prijedlogom zakona došlo do promjena u odnosu na osnovni tekst zakona, nužno je da se u prijelaznim i završnim odredbama urede odnosi koji bi bili provodivi nakon stupanja na snagu predmetnog zakona. Također dosadašnji član 18. postaje član 17. zbog prethodnog brisanja članova 11. i 14.

III FINANSIJSKA SREDSTVA

Za donošenje i realizaciju ovog Prijedloga Zaključka nisu potrebna dodatna finansijska sredstva.